



IHURIRO RYATANGIJE ICYICIRO CYA 20 CY'AMASOMO AHABWA URUBYIRUKO RWO MU MITWE YA POLITIKI / YOUTH POLITICAL LEADERSHIP ACADEMY (YPLA)



Tariki ya 29 Mutarama 2024, Ihuriro ry'Igihugu Nyunguranabitekerezo ry'Imitwe ya Politiki ryatangije icyiciro cya 20 cy'amasomo ahabwa urubyiruko rwo mu Mitwe ya Politiki (Youth Political Leadership Academy). Aya masomo yitabirwa n'urubyiruko rwo mu Mitwe ya Politiki igize Ihuriro; akaba agamije

1. Kubaka ubushobozi bw'urubyiruko rwo mu mitwe ya politiki;
2. Kurutegurira kujya mu myanya y'ubuyobozi mu Mitwe ya politiki rubarizwamo no kuyifasha gutera imbere;
3. Kurwongerera ubumenyi n'ubushobozi birufasha kugira uruhare mu miyoborere n'iterambere ry'igihugu.

Kuri buri cyiciro, buri Mutwe wa Politiki uhagararirwa n'abasore n'inkumi bane (4), batarengeje imyaka 30, bakaba biga cyangwa bararangije Amasomo ya Kaminuza.



Atangiza icyiciro cya 20 cy'aya masomo, Umunyabanga Nshingwabikorwa w'Ihuriro, **Bwana GISAGARA**

Théoneste, yashimiye Imitwe ya Politiki yose ko yohereje urubyiruko rwayo kwitabira aya masomo ndetse ashimira n'urwo rubyiruko ko rwemeye kuyitabira. Yavuze ko ari amasomo y'ingirakamaro yiganjemo ubumenyi buzabafasha gutera imbere mu mwuga wa politiki biyemeje gu-

kora. Yavuze ko aya masomo akorwa ku rwego rw'Umujiyi wa Kigali, ndetse no mu Ntara zose. Icyiciro cya 20 kikaba kizabera mu Mujiyi wa Kigali no mu Ntara y'Iburasirazuba, aho azitabirwa n'urubyiruko 88 bose hamwe (44 mu Mujiyi wa Kigali, na 44 mu Ntara y'Iburasirazuba).

Muri iri shuri, urubyiruko rwiga amasomo anyuranye yibanda ku bumenyi bw'ibanze muri politiki; amateka ya politiki y'u Rwanda; ishingwa n'imiyoborere by'umutwe wa politiki, imiyoborere myiza na Gahunda za Leta; ihiganwa muri politiki; gutambutsa ubutumwa bwa politiki, n'andi anyuranye. Uru rubyiruko kandi ruhahwa ibiganiro kuri gahunda za Leta, nk'Amahame Remezo u Rwanda rugenderaho, Ndi Umunyarwanda; Imiyoborere y'u Rwanda Twifuzwa; Guhanga umurimo no guteza imbere ibikorera mu Rwanda; Ingamba za Leta zo gukumira no kurwanya ibiyobyabwenge. Aya masomo atangwa n'abarimu n'abashakashatsi muri za Kaminuza, kimwe n'abayobozi mu Nzego za Leta.

Kuva aya masomo yatangiye mu mwaka wa 2010, urubyiruko rwize muri iri shuri rusaga 1360, rugizwe na 50.4% b'igitsina gabo naho ab'igitsina gore bakaba 49,6%.

Umunyabanga Nshingwabikorwa, yashishikariye uru rubyiruko kuzakurikira neza aya masomo bakazayungukiramo ubumenyi buzabafasha gutera imbere mu mwuga wa politiki, bagasobanukirwa uruhare rwabo mu buzima bw'Igihugu, bakazirikana ko ari bo bayobozi b'ejo hazaza, ko kandi bakwiye kwitegura izo nshingano bafite ubumenyi bukwiye.

Icyiciro cya 20 cy'aya masomo cyatangiyeho tariki ya 29 Mutarama 2024 kikazasoza tariki ya 20 Mata 2024, aho uru rubyiruko ruzasura Ingoro y'Amateka y'urugamba rwo guhagarika Jenocide, rukanasura Urwibutso rwa Jenocide rwa Rebero, ahashyunguye bamwe mu banyapolitiki bishwe muri Jenocide yakorewe Abatutsi mu 1994.

IHURIRO RYAHUGUYE ABAYOBOZI B'URUGAGA RW'ABAGORE BO MU MITWE YA POLITIKI KU MYITEGURO N'IMIGENDEKERE Y'AMATORA ATEGANYIJWE MURI 2024



Tariki ya 10 - 11 Gashyantare 2024 Mu ntara y'Amajyepfo, kuri Hotel Boni Consilii, ku bufatanye bw'Umuryango UNDP ishami ry'u Rwanda n'Ihuriro ry'Igihugu Nyunguranabitekerezo ry'Imitwe ya Politiki bateguye amahurwa agenewe abayobozi b'urugaga rw'abagore bo mu mitwe ya politiki, akaba yariyabanye ku **"Imyiteguro n'imigendekere y'amatora ya Perezida wa Repubulika n'ay'Abagize Inteko Ishinga Amategeko Umutwe w'ababepite azaba muri Nyakanga 2024."** Aya mahugurwa yitabiriwe n'abagore 87 baturutse mu turere 8 tugize Intara y'Amajyepfo.

Amahugurwa yatangiye n'Umuvugizi w'Ihuriro ry'Igihugu Nyunguranabitekerezo ry'Imitwe ya Politiki



ki, **Depite Nizeyimana Pie**. Mu ijamba rye, yashimiye abayitabiriye n'Imitwe ya Politiki yabohereje. Yasobanuye ko agamije kubaka ubushobozi bw'abagore bari mu nzego z'ubuyobozi bw'Umutwe wa Politiki kugira ngo bitabire kujya mu myanya ifatirwamo ibyemezo mu Mitwe ya Politiki babarizwamo by'umwihariko, mu gihe twitegura amatora ya Perezida wa Repubulika

n'ay'Abagize Inteko Ishinga Amategeko umutwe w'abadebite. Ati **“Abagore bagize urugaga rushamikiye ku Mutwe wa Politiki bakeneye gusobanukirwa imyiteguro n'imigendekere y'ayo matora kugira ngo bazabashye kuyagiramo uruhare.”** Yakomeje abibutsa ko u Rwanda rwimakaje ihame ry'uburinganire nka rimwe mu mahame ndengerwaho ateganyijwe mu Itegeko Nshinga rya Repubulika y'u Rwanda. Nk'uko biteganywa n'Itegeko Ngengarigenga Imitwe ya Politiki n'Abanyapolitiki, buri gihe, Umutwe wa Politiki ugomba kugaragaramo uburinganire n'ubwuzuzanye bw'abagabo n'abagore haba mu gushaka abayoboke, gushyiraho inzego z'ubuyobozi, mu mikorere no mu bikorwa byayo. Buri Mutwe wa Politiki ugomba kugira abagore mu myanya y'inzego zifatwamo ibyemezo bangana nibura na 30%. Yasoje ijamba rye ashimira ishami ry'umuryango w'abibumbye ryita ku iterambere (UNDP) ku bufatanye rikomeza kugirana n'Ihuriro mu gutegura aya mahugurwa.

Bimwe mu biganirwa byatanze birimo: Ikiganirwa ku **“Imyiteguro n'Imigendekere y'amatora ya Perezida wa Repubulika n'ay'Abagize Umutegeko w'Abadebite azaba muri Nyakanga 2024”**, cyatanze na Nduwimana Pacifique, Umukozi wa



migendekere y'amatora ya Perezida wa Repubulika n'ay'Abagize Umutegeko w'Abadebite ateganyijwe muri 2024”. Muri iki kiganirwa, abagore basobanuriwe uburyo ibikorwa byo kwiyamamaza bigenda kugira ngo umuntu azagire abamushyigikira bazamutwara. Abari mu mahugurwa bakoze imyitozo ngiro y'uburyo umuntu yiyamamaza imbere y'abo ashakaho amajwi.

Amahugurwa nk'aya, yakomereje mu Ntara y'Iburasirazuba ku matariki ya 17 – 18 Gashyantare 2024; akaba yaritabiriye n'abayobozi 74 b'urugaga rw'abagore bo mu mitwe ya politiki baturutse mu turere 7 tugize iyo Ntara. Biteganyijwe ko aya mahugurwa azasorezwa mu Mujyi wa Kigali ku matariki ya 23-24 Werurwe 2024. ■



Komisiyo y'Igihugu y'Amatora (NEC). Yasobanuye impamvu zatumye amatora ya Perezida wa Repubulika ahuzwa n'ay'Abadebite ko ari ukugabanya ingengo y'imari, ukugabanya umwanya amatora atwara ndetse no kugabanya ibikorwa byo guhoza abatwara mu matora buri mwaka.

Ikiganirwa cya kabiri cyatanze na Madamu Nyiraneza Speciose, cyibanze ku **“Uruhare rw'umugore mu**